



Broj: 02-11-4-6397-13/23

Datum: 22.12.2023.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14 i 59/22), člana 34. Pravilnika o javnim nabavkama Uprave policije Ministarstva unutrašnjih poslova Kantona Sarajevo („Službene novine KS”, broj: 44/23) i preporuke Komisije za sukcesivnu nabavku motornih ulja za potrebe Uprave policije, imenovane Rješenjem broj: 02/5-1-30-1-6321 od 06.09.2023. godine, u ponovnom postupku odlučivanja, a u skladu sa Rješenjem Ureda za razmatranje žalbi broj: JN2-03-07-1-3414-9/23 od 07.12.2023. godine, u postupku javne nabavke motornih ulja, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

## **ODLUKU**

### **O IZBORU NAJPOVOLJNIJEG PONUĐAČA I DODJELI OKVIRNOG SPORAZUMA**

#### **I**

Prihvata se preporuka Komisije za sukcesivnu nabavku motornih ulja za potrebe Uprave policije i okvirni sporazum za javnu nabavku motornih ulja za potrebe Uprave policije Ministarstva unutrašnjih poslova Kantona Sarajevo dodjeljuje se ponuđaču:

- VALVOSON d.o.o. Busovača za ponuđenu cijenu od 60.800,00 KM bez PDV-a.

#### **II**

Postupkom javne nabavke predviđeno je potpisivanje Okvirnog sporazuma na period od 24 (dvadesetčetiri) mjeseca. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

#### **III**

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma o nabavci dostavit će se na potpis izabranom ponuđaču VALVOSON d.o.o. Busovača po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

#### **IV**

Izabrani ponuđač VALVOSON d.o.o. Busovača dužan je da u roku od 5 (pet) dana od dana prijema ove odluke dostavi dokaze navedene u tački 12. tenderske dokumentacije, a koje se odnose na član 45. stav (2) tačka od a) do d).

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

### Obrazloženje

Na osnovu Odluke broj: 02-11-4-6397/23 od 12.09.2023. godine i Obavještenja o nabavci broj: 16475-1-1-104-3-122/23 od 13.09.2023. godine, proveden je otvoreni postupak javne nabavke motornih ulja za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-6397/23 od 04.10.2023. godine, za aktivno učešće u postupku dostavljene su ponude ponuđača EURO DAM-JAS d.o.o. Lukavac, VATVOSON d.o.o. Busovača, Almy d.o.o. Zenica, DRR Auto d.o.o. Kiseljak i KARE d.o.o. Sarajevo.

U pristiglim ponudama Komisija je prilikom pregleda i ocjene ponuda utvrdila i postojanje računskih grešaka kako slijedi:

- Ukupni iznos u ponudi ponuđača EURO DAM-JAS d.o.o. Lukavac, nakon ispravljanja računске greške, treba da iznosi 65.890,50 KM umjesto pogrešno upisanih 51.430,50 (razlika 14.360,00 KM) Na upućeni zahtjev ponuđač nije u ostavljenom im krajnjem roku dao svoju saglasnost za ispravku računskih grešaka.

Komisija za sukcesivnu nabavku motornih ulja za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-6397-5/23 od 26.10.2023. godine, kojim je utvrdila slijedeće:

- da ponuda ponuđača Almy d.o.o. Zenica nije u skladu sa tačkom 13.3. (tehnička i profesionalna sposobnost u postupku nabavke roba (član 49. Zakona).

Ponuđeno motorno ulje na strani 31. dostavljene ponude nije u skladu sa specifikacijom iz Obrasca za cijenu ponude – Aneks III. Naime, u skladu sa tačkom 13.3. tenderske dokumentacije, u svrhu dokazivanja tehničke i profesionalne sposobnosti u postupku nabavke roba (član 49. Zakona) traženo je dostavljanje kataloške dokumentacije/brošure/deklaracije proizvođača predmetnih roba u kojoj će biti vidno naznačena predmetna roba koja se traži u Obrascu za cijenu ponude – Aneks III. U Obrascu za cijenu ponude – Aneks III pod rednim brojem 1. traži se motorno ulje 5W-30 (VW 504.00/507.00, ACEA C3, API SN/CF), ponuđač Almy d.o.o. Zenica je na strani 31. svoje ponude ponudio ulja 5W-30 (VW 504.00/507.00, ACEA C3, API SN) što nije u skladu sa tehničkom specifikacijom za predmetno motorno ulje i time ne zadovoljava uslove tražene tenderskom dokumentacijom.

Pod rednim brojem 2. gdje se traži motorno ulje 5W-40 (VW 502.00/505.00/505.01, ACEA C3, API SN/CF), ponuđač Almy d.o.o. Zenica je na strani 33. svoje ponude ponudio ulje 5W-40 (VW 502.00/505.00, ACEA A3/B3, A3/B4, API SN/CF), što nije u skladu sa tehničkom specifikacijom za predmetno motorno ulje i time ne zadovoljava uslove tražene tenderskom dokumentacijom.

U skladu sa naprijed navedenim, ponuda ponuđača Almy d.o.o. Zenica je neprihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

- da ponuda ponuđača DRR Auto d.o.o. Kiseljak nije u skladu sa tačkom 13.3. (tehnička i profesionalna sposobnost u postupku nabavke roba (član 49. Zakona).

Ponuđeno motorno ulje na strani 23. dostavljene ponude nije u skladu sa specifikacijom iz Obrasca za cijenu ponude – Aneks III. Naime, u skladu sa tačkom 13.3. tenderske dokumentacije, u svrhu dokazivanja tehničke i profesionalne sposobnosti u postupku nabavke roba (član 49. Zakona) traženo je dostavljanje kataloške dokumentacije/brošure/deklaracije proizvođača predmetnih roba u kojoj će biti vidno naznačena predmetna roba koja se traži u Obrascu za cijenu ponude – Aneks III. U Obrascu za cijenu ponude – Aneks III pod rednim brojem 1. traži se motorno ulje 5W-30 (VW 504.00/507.00, ACEA C3, API SN/CF), ponuđač DRR AUTO d.o.o. Kiseljak je na strani 23. svoje ponude ponudio ulja 5W-30 (VW 504.00/507.00, ACEA C3, API SN) što nije u skladu sa tehničkom specifikacijom za predmetno motorno ulje i time ne zadovoljava uslove tražene tenderskom dokumentacijom.

Pod rednim brojem 7. gdje se traži motorno ulje 15W-50 (API SM, JASO MA-2), ponuđač DRR AUTO d.o.o. Kiseljak je na strani 35. svoje ponude ponudio ulje 15W-50 (API SL, JASO MA-2), što nije u skladu sa tehničkom specifikacijom za predmetno motorno ulje i time ne zadovoljava uslove tražene tenderskom dokumentacijom.

U skladu sa naprijed navedenim, ponuda ponuđača DRR AUTO d.o.o. Kiseljak je neprihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

- da je cijena ponude ponuđača EURO DAM-JAS d.o.o. Lukavac, nakon ispravke računске greške, veća od planiranih, odnosno osiguranih sredstava za predmetnu nabavku, te je u skladu sa članom 2. stav (1) tačka l) podtačka 2) Zakona o javnim nabavkama BiH („Službeni glasnik BiH“ broj: 39/14 i 59/22) ponuda ponuđača EURO DAM-JAS d.o.o. Lukavac neprihvatljiva

Komisija je prilikom pregleda ponude ponuđača EURO DAM-JAS d.o.o. Lukavac uočila računске greške u Obrascu za cijenu ponude. Shodno članu 68. stav (4) tačka g) Zakona o javnim nabavkama i člana 5. i 17. Uputstva za pripremu modela tenderske dokumentacije i ponuda od ponuđača EURO DAM-JAS d.o.o. Lukavac je aktom, broj: 02/6-11-4-6397-4/23 od 13.10.2023.godine, koji je upućen putem e-maila dana 16.10.2023. godine, zatražena saglasnost za ispravku računске greške u Obrascu za cijenu ponude, gdje umjesto pogrešno upisane cijene 51.430,50 KM, ukupna cijena ponude treba ispravno da stoji 65.890,50 KM.

Dana 20.10.2023. godine putem e-maila zaprimljen je odgovor i saglasnost za ispravku. Komisija je provjerom u Aktuelnom izvodu iz sudskog registra, dostavljenom na stranama 20. do 28. ponude, utvrdila da je odgovor dostavljen od strane lica ovlaštenog za zastupanje subjekta upisa. Odgovor na zahtjev za ispravku računске greške nije zaprimljen u ostavljenom krajnjem roku.

U skladu sa naprijed navedenim, ponuda ponuđača EURO DAM-JAS d.o.o. Lukavac nije prihvatljiva, te se u skladu sa članom 68. stav (4) tačka g) i i) Zakona o javnim nabavkama BiH odbacuje.

- da ponude ponuđača KARE d.o.o. Sarajevo i VALVOSON d.o.o. Busovača sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju “najniža cijena” ispunjavaju sve zahtjeve Ugovornog organa.

Nakon toga stekli su se uslovi za zakazivanje e-aukcije.

E-aukcija je zakazana za dan 31.10.2023. godine sa početkom u:

- 11.00 sati.

Postupajući u skladu sa članom 3., te članom 4. stav (6) Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju su pozvani ponuđači čije su ponude prihvatljive.

Nakon završetka e-aukcije Ugovorni organ je dobio Izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka e-aukcije.

U toku e-aukcije došlo je do smanjivanja cijena i podnošenja novih ponuda.

U skladu sa Izvještajem Agencije za javne nabavke i konačnom rang listom ponuđača koji su učestvovali u e-aukciji, Ugovorni organ je prihvatio ponudu prvorangiranog ponuđača i to:

- KARE d.o.o. Sarajevo sa konačnom ukupnom cijenom ponude u iznosu od 28.400,00 KM bez PDV-a.

Donesena je odluka o izboru najpovoljnijeg ponuđača i dodjeli okvirnog sporazuma broj: 02-11-4-6397-6/23 od 02.11.2023. godine. Na navedenu odluku ponuđač VALVOSON d.o.o. Busovača je izjavio žalbu.

Ured za razmatranje žalbi (Filijala Mostar) je svojim Rješenjem broj: JN2-03-07-1-3414-9/23 od 07.12.2023. godine usvojio izjavljenu žalbu kao osnovanu, poništio pobijanu odluku broj: 02-11-4-6397-6/23 od 02.11.2023. godine te predmet vratio ugovornom organu na ponovni postupak u kojem će postupiti po stavovima URŽ-a iz predmetnog rješenja i zakonskim i podzakonskim aktima iz oblasti javnih nabavki.

---

Adresa: Sarajevo, Zmaja od Bosne 9

Tel: + 387(0)33 286-740, Fax: + 387(0)33 655-917

Web: <http://mup.ks.gov.ba>, Email: [sektor.matfin@mup.ks.gov.ba](mailto:sektor.matfin@mup.ks.gov.ba)

Shodno žalbenom navodu, a koji je URŽ proglasio osnovanim, vršeći ponovnu analizu ponude ponuđača KARE d.o.o. Sarajevo, Komisija je postupila u skladu sa Rješenjem URŽ-a broj: JN2-03-07-1-3414-9/23 od 07.12.2023. godine, te utvrdila da je ova ponuda nepotpuna i ne ispunjava uslove tražene tenderskom dokumentacijom.

Naime, URŽ u svom rješenju navodi da je ponuđač KARE d.o.o. Sarajevo „u kontekstu tačke 13.3. tehnička i profesionalna sposobnost, tenderske dokumentacije, bio u obavezi u svojoj ponudi kumulativno ispuniti uslove, te dostaviti i autentičan tehnički list ili katalog proizvođača, kojim se dokazuje usklađenost sa traženim tehničkim karakteristikama iz specifikacije, kao preložiti i prevod ovlaštenog sudskog tumača za jezik sa kojeg je prevod izvršen, ako su autentični dokumenti (tehnički list proizvođača, katalogi, brošure i sl.) dostavljeni na stranom jeziku. Uvidom u ponudu ponuđača KARE d.o.o. Sarajevo URŽ je utvrdio da je isti u ponudi na stranicama od 17. – 30. dostavio dokumente proizvođača motornih ulja (material safety data sheet) koji su prevedeni na bosanski jezik, bez prijevoda ovlaštenog sudskog tumača sa logom proizvođača kompanije Lubrico Oil International (LUBRICO PETROKIMYA A.\$) iz Turske, ali nije dostavio autentičan tehnički list proizvođača (na drugom jeziku) sa kojeg je prevod izvršen, kojim se dokazuje usklađenost sa dostavljenim prevodom za tehnički list ponuđene robe.“

U skladu sa naprijed navedenim, ponuda ponuđača KARE d.o.o. Sarajevo je neprihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

Shodno rezultatima ponovnog pregleda i ocjene ponuda i rang listi prihvatljivih ponuda, Komisija je prihvatila ponudu ponuđača:

- VALVOSON d.o.o. Busovača u iznosu od 60.800,00 KM bez PDV-a.

U postupku je podnesena samo jedna prihvatljiva ponuda ponuđača VALVOSON d.o.o. Busovača, te postupajući u skladu sa članom 3. stav (3) Pravilnika o uslovima i načinu korištenja e-Aukcije („Službeni glasnik BiH“, broj 66/16) postupak se okončava primjenom člana 69. Zakona o javnim nabavkama BiH.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj: 39/14 i 59/22), Zapisnikom o ponovnom pregledu i ocjeni ponuda broj: 02-11-4-6397-12/23 od 21.12.2023. godine riješeno je kao u dispozitivu.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14 i 59/22).

**POLICIJSKI KOMESAR**  
**Generalni inspektor policije**

**Fatma Hajdarević**

**Dostaviti:**

1. Komisiji za sukcesivnu nabavku motornih ulja
2. Ponuđaču x5
3. Odjeljenju za odnose s javnošću, radi objave na web stranici ovog organa
4. a/a